

EDITORIAL

Pabaskugon ang hukbo sang banwa sa pagbato sa pasismo sang rehimen US-Marcos

Sa masunod nga bulan kag palaa-buton nga tuig, matutom kag sistemati-ko naton nga pasangka-ron kag pabaskugon ang Bagong Hukbong Bayan (BHB) katimbang nga kusog sang pumulu-yong Pilipino sa pagba-to sa pasista nga pag-hari sang rehimen US-Marcos. Sa atubang sang palala nga pagpamigos sa katawhan, nagalala man ang pampulitika nga pagpanumpo kag nagagamay nga ligwa para sa demokratiko nga pagpahayag kag paghulag, nagadako ang kakinahanglanon nga hawanan ang banas sang armadong paghimakas.

Ginpatuman ni Marcos ang indi deklarado nga laye militar sa linibo ka mga baryo sa bilog nga pungsod agud tapnaon ang pagbato sang masa nga nagapangapin sang ila ka-buhi kag palangabuhian. Ginahata-gan-ligwa sang mga armadong tropa ni Marcos ang makawat kag ma-pangwasak nga operasyon kompra-dor sang mga korporasyon sa pag-mina kag mga plantasyon. Wala-tuo ang mga kaso sang pagpatay, pag-pangsita, ilegal nga pag-aresto kag pagbilanggo batuk sa masang ma-ngunguma kag minorya nga nagapa-nindugan kag nagabato.

Mangin sa kasyudaran, wala puas ang pagpanilag kag pagpang-i-pit sa pumuluyo nga organisado nga nagapangapin sa ila kaayuhan. Gi-napunterya ni Marcos, ilabi na, ang mga mamumugon, mga mala-mamu-

mugon, mga kabataan-estudyante kag iban pa nga sektor nga naga-isa sa katuyuan nga isulong ang mga demokratiko nga demanda. Ginabu-salan sila agud pungan ang ila singgit para pataason ang sweldo, panubun ang presyo, disente nga trabaho, nagakaigo nga badyet para sa edukasyon kag mga serbisyon pangkatilingban.

Sa nagligad nga masobra na pito ka tuig, ginatos ka bilyon piso nga pondo sang katawhan ang ginbubo kag gin-usikan sang reaksyunaryo nga estado sa gyera sang pagsumpo sa paghimakas sang pumuluyo para sa pungsodnon nga demokrasya. Dumot nga tuyo sini nga perdhon ang BHB isip hinganiban sang de-mokratiko nga gahum sang pumuluyo, kag pagkatapos, punter-yahon kag sumpuon ang organisado

nga kubay sang pumuluyo. Pinaka-katuyuan sini nga wala-sablag nga maghari ang reaksyunaryo nga ga-hum sa pungsod, kag wala-pugong nga makamol sang manggad sa pag-pangawat kag pagpanghimulos ang mga imperyalista, dalagko nga bur-gesya komprador kag dalagko nga agalon mayduta.

Bunga sang internal nga mga pagsayop nga kabangdanan sang nangin mga kahuyangan sa pag-a-tubang sa todo-atake sang kaaway, nag-agum sang seryoso nga kahali-tan ang nagkalain-lain nga mga yu-nit sang BHB. Yara sa husto nga tion nga ipanawagan sang Partido ang kahublagan panadlong sadtong katapusan sang 2023 agud tadlu-ngon ang nagligad nga mga pagsa-yop sa pagsulong sang rebolusyo-naryong kahublagan, kabahin ang nagkalain-lain nga aspeto sang ina-way banwa, agud pahinayon ang hangaway sang banwa halin sa pag-atras padulong sa liwat nga pag-a-bante.



Sa pagsulong sang kahublagan panadlong, dapat hugot nga uyatan sang tanan nga kadre kag rebolusyonaryong pwersa ang armadong paghimakas isip nagapanguna nga porma sang paghimakas, samtang sekundaryo ang dayag nga kahublagan masa kag iban nga porma sang paghimakas, sa pagtuman sang sentral nga katungdanan nga idagdag ang neokolonyal nga estado sang mga burges komprador kag agalon mayduta. Dapat palig-unon sang tanan nga katapo sang Partido ang kahandaon nga mag-uyat sang armas kag mag-intra sa armado nga paghimakas. Dapat maukod nga mag-amot ang mga rebolusyonar-

Sa mando sang Partido, bilog tuig nga ginabuksan ang pwertahan para sa integrasyon kag rekrutment sa hangaway sang banwa, magluwas pa sa tion sang mga anibersaryo sang Partido, BHB ukon NDFP. Ang mga yunit sang BHB ang andam nga

Kinahanglan pabakuron ang pin-sar kag lawas sang mga kadre kag aktibista nga makigbagay ukon lubos nga magapatapo sa hangaway sang banwa, ilabi na sa atubang sang todo pasista nga atake sang kaaway. Tug-da gani ni Mao, indi kinan-anay ang rebolusyon. Apang sa puluy-an sang masa, adlaw-adlaw nga busog ang mga Pulang hangaway sa pag-atipan kag pagpalangga sang masa.

 ANG Bayan Tuig LVI No. 3 Pebrero 7, 2025	Kaundan
Ang Ang Bayan ginabantala sa lenggwahe nga Pilipino, Bisaya, Iloko, Hiligaynon, Waray, Ingles kag Espanyol. Nagabaton ang Ang Bayan sang mga kontribusyon sa porma sang mga artikulo kag balita. Ginabuyok man ang mga bumalasa nga magpaabot sang mga saway kag rekomendasyon sa ikaswag sang aton pahayagan.	Editorial: Pabaskugon ang hukbo sang banwa sa pagbato sa pasismo sang rehimen US-Marcos 1 Kaso nga <i>impeachment</i> kontra kay Sara Duterte 3 Pagsaulog sang anibersaryo sang Partido sa Cordillera 4 Inaway banwa, ginapalapit sang LAB sa mga siyentista 5 Kahublagan panadlong kag pagbanggi sa sayop 6 Mga protesta 7 Anibersaryo sang PKP, ginlunsar sa Rizal 7 Sa malip-ot nga pulong 8 AI kag ang mamumugon Pilipino 9 Pagpang-ipit sa sektor sang BPO, ginkundenar 9 Pagpangluthang, iligal nga pag-aresto kag iban pa 10 Protesta para pasabton ang mga Duterte-Marcos 10
Ang Ang Bayan ginabantala duha ka beses kada bulan sang Komite Sentral sang Partido Komunista ng Plipinas	 ang.bayan@cpp.ph

Sa duso sang katawhan, *impeachment* kay Sara Duterte, lubos nga ginpasaka

Sadtong Pebrero 5, nagpirma ang indi magnubo sa 215 kongresista sa kaso nga *impeachment* ukon pagkakas kontra kay bise president Sara Duterte para pahalinon ini sa pwesto. Gindayon ang kaso nga *impeachment* kontra kay Duterte matapos ang halos duha ka bulan nga pag-atrasar diri sang rehimen Marcos. Ginpangunahan mismo sang bata sang presidente nga si Ferdinand Marcos nga si Sandro Marcos ang pag-endorso sa ika-apat nga reklamo.

Ginpasaka ang *impeachment* sa ulihi nga adlaw sang regular nga sesyon sang Kongreso. Bag-o sini, tatlo ka *impeachment* complaint na ang ginpasaka sa Kongreso. Ang ikaduha diri ang ginhan-ay sang mga progresibo nga organisasyon kag indibidwal kag gin-endorso sang Koalisyon nga Makabayan.

May pito ka artikulo ang ika-apat nga reklamo nga *impeachment*. Nagapanguna diri ang "paghagyatanay para patyon si Marcos, iya nga asawa nga si Liza Araneta kag ang House Speaker Martin Romualdez." Ginhimo ni Duterte ang pamahog sadtong Nobyembre 23, 2024 sa tunga sang pagtalakay sa anomalya sa pag-gasto niya sang confidential funds nga gintigana sa iya nga upisina.

Ang iban pa nga basehan amo ang: korapsyon sa ₱615.5 milyon sa *confidential funds*; pagpanuhol kag korapsyon sa Department of Education; indi mapa-athag nga manggad kag kapaslawan nga ibulgar ang iya mga propedad sa Statement of Assets, Liabilities, and Net Worth; pagkadalag sa ekstra-hudisyal nga pagpamatay sa Davao City, mga maniobra nga destabilisasyon, kabahin ang pagboykot niya sa State of the Nation Address kag pagharang sa mga pagtalakay sa Kongreso; kag "pangkabilugan nga kondukta" isip bise presidente kag ikaduha nga pinakamataas nga upisyal sa pungsod.

Ang gin-endorso nga resolusyon ang ginpadala sa Senado nga amo ang may katungdanan nga tukuron ang korte nga magapamati sa mga reklamo. Kung mahukman, indi lang masipa sa pwesto si Duterte, mapunggan man siya nga liwat magpadalagan sa ano

man nga pusisyon sa masunod nga mga eleksyon.

Ang pinaka-ulih nga hugna sang banggianay sang hubon sang Marcos kag Duterte ang marka sang pagsingki sang awayan sa tunga nila. Ginapakita sini ang labaw pa kadalom nga pagkabahin-bahin sa sulod sang mga nagapamuno nga reaksyunaryong sahi, kung sa diin naga-agaway sa mga burukrata-kapitalista nga pribilehiyo kag gahum ang mga magkaribal nga paksyon kag grupo.

Mayor nga tikang ang *impeachment* sa pagkonsolida sang hubon ni Marcos sa gahum sini sa pulitika, ilabi na sa sulod sang militar, pulis kag depensa. Kadungan sini, ginapabakod man ni Marcos ang iya katampad sa imperyalistang US paagi sa labaw pa nga pagpabaskog sang pakigbinuligay sa US sa mga propaganda nga anti-China kag operasyon nabal nga ginakumpas sang US sa West Philippine Sea, sa tabon sang "pagsulong sang soberanya sang Pilipinas."

Kinabubut-on nga ginbaton sang mga Pilipino ang *impeachment* ni Sara Duterte isip una nga tikang para pasabton ang bise presidente kag kakson siya sa iya nga pwesto, isip tikang para silotan siya sa iya nga mga krimen sang korapsyon. Kinahanglanon pa nga pabaskugon kag pasangkaron sang pumuluyo ang ila mga paghulag agud iduso ang Senado nga gilayon nga magtipon isip korte kag sugdan ang paghukom sa ilabi nga madali nga panahon.

Ang *impeachment* ang kadalagan sang kahublagan masa nga tayuyon sa pagpabaskog sang protesta para diri. Ilabi sini nga pabaskugon ang buot



kag determinasyon sang pumuluyo para sukton si Marcos mismo sa mas madako nga krimen sang korapsyon sa porma sang iya kaugalingon nga *confidential funds*, *pork barrel* sa porma sang ayuda, pagkontrol sa binilyon nga pondo sang Maharlika Fund kag pagkuha sa "wala nagasto" nga pondo sang Philhealth. Dapat man nga pasabton si Marcos sa pagbasura niya sa mga napasaka nga kaso sang kawat nga manggad sang iya nga pamilya nga nagakantidad sang indi magnubo sa ₱202 bilyon.

Sa habig sang mga progresibo nga grupo, pagalantawon nila nga kadalagan ang *impeachment* sang pumuluyo nga nagahimakas para pasabton ang mga Duterte kag ang ila grupo sang mga naglapas sa tawhanon nga kinamatarung. Suno sa ila, sa pagtulod kag ululupod nga paghulag, pagduso, kag pagbantay sang katawhan naangkon ang pasiuna nga tikang sa pagpasabat sa korapsyon. Kadungan sang panawagan nga hukman nga maysala si Duterte, ginsukot nila ang rehimen Marcos sa ka-inutil sini nga sabton ang nagalala nga korapsyon sang iya nga rehimen.

Sa adlaw sang binotohay, nagtipon sila sa atubang sang Kongreso para ipanawagan nga hinanali nga hukman si Duterte. May yara sang kasubong nga protesta sa Cabuyao, Laguna.

Paghiliugyon kag pagtuon isip pagsaulog sang anibersaryo sang Partido sa Cordillera

Sa isa ka larangan sa Cordillera, ang ginkahangaw-an nga maataras nga selebrasyon sang anibersaryo sang Partido Komunista ng Pilipinas sadtong Disyembre 26, 2024 ang nangin isa ka pyesta sang paghiliugyon kag pagtuon sang mga Pulang hangaway kag masa.

Lubong sa kapigaduhon ang masa sa Barangay Ranyag (Liwanag) sang naabtan sang mga kaupod. Hagmak ang tuigan nga ani sang humay tungod sa grabe nga tigbalagtik nga ginsundan sang parada sang mga bagyo nga nangdalasa sa rehiyon. Nalimitahan man ang hilway nga pagkadto sang masa sa mga sentro nga banwa para makapamakal sang mga kinahanglanon tungod sa pagpang-ipit kag wala-pugong nga mga operasyon sang AFP.

Tungod diri, indi malikawan sang pila ka kaupod nga magkabalaka kung paano tigayunon ang selebrasyon. Ano ang ila ipakaon, sa amo nga nagimbita sila sang mga mangunguma? Amo nga sang aga sang ika-26 sang Disyembre, wala na danay naghimus ang mga Pulang hangaway.

Apang pagkahapon, gulpi na lang naghuni ang ila nga warning device. Halin sa kakahuyan, isa-isa nga nagpakita ang mga taga-Baryo Ranyag.

"Mga kaupod, para masigurado ang aton nga seguridad wala na namon kamo ginpakadto sa kabalayan. Kami na lang ang nagkadto sa inyo para madayon ang selebrasyon sang anibersaryo sang Partido," paathag ni Tiyoy Cesar, ang lider sang grupo. Upod niya ang iya nga asawa kag bata. Dala nila ang dako nga suludlan sang ibus kag isa ka balde sang alupe. Sa likod ni Tiyoy Cesar ang iban pa nga tagabaryo nga may dala nga ispageti kag panggatong.

Dali-dali nga naghimus kag gindayun sang mga kaupod ang ginpangandaman nga programa. Sa porma sang mga drama, binalaybay, kanta kag malip-ot nga pamulong-pulong, ginpakita nila ang nagalala nga krisis sa palangabuhian nga gina-agnan sang pumuluyong Pilipino, ang nagabaskog nga bangigay sa tunga ni

Marcos kag Duterte, kag ang paggamit sang imperyalismong US sa mga neokolonya sini (kabahin ang Pilipinas) agud batuan ang China.

Ginpakita nila ang paghari sang mga pungsodnon kag lokal nga dinastiya sang mga burukrata-kapitalista sa manggad sang prubinsya, samtang hungod nga ginapatumbayaan nga uhaw sa mga serbisyong pangkatilingban ang mga pumuluyo. Ginhatagan man sang tum-ok sa mga pasundayag ang kabilidhon sang padayon nga pagpakigbahin sang masa sa rebolusyon agud mabag-o ang ila kahimtangan.

"Ang tugon sang amon tatay nga atipanon namon ang mga kaupod tungod kamo ang matuod nga naga-ulikid sa amon nga mga imol. Ini ang panugyan nga ipanubli namon sa amon mga kabataan kag apo," panaysayon ni Dani, isa sa mga nagtambong sa kahiwatan. "Kahibalo kami nga ang amon kusog ang yara sa paghiliugyon kag ululupod nga paghulag."

Wala gilayon nagpauli ang tagabaryo pagkatapos sang selebrasyon. Gintigayon nila ang asembleya para tukuron ang lokal nga sanga sang

Pambansang Kalipunan ng mga Magasaka kag ginplanuhan ang ululupod nga bungkalan sa isa ka bahin sang ila komunal nga duta. Ginkasugtan man nila kung papaano nga organisado nga batuan ang ginalauman nga hampas sang mga operasyon militar kag pagbalik sang RCSP.

Pagkasunod nga mga inadlaw, nagkalain-lain nga espesyal nga kurso kag pagtuon sa idalom sang Pade-pa (Pambansa-demokratikong Paaralan) ang ginlunsar sa pwestuhan sang BHB.

Adlaw-adlaw may nagakadto sa ginakampohan sang Hukbo-lunsay mga pamatan-on kag edaran. Nagkadto ang iban pagpabulig sa mga sabdyek, ang iban para sa simple nga hinun-anon. Ginpabalunan sila sang mga hangaway sang paglaum, upod na ang mga kinulit nga mga kahoy nga sandok kag pambayo.

Sa ulihi nga adlaw sang mga kaupod sa lugar, nakatapos sang sandigan nga oryentasyon sa Partido ang mga lokal nga aktibista nga ginorganisa sa isa ka sanga sang Partido sa lokalidad.

"Mga kaupod, napaathag ninyo sang bug-os ang Programa sang Partido. Wala kami sang ano man nga pagpangduha-duha nga mangin katapo sini," pahayag ni Tiyoy Cesar sa panugod sang ila pagpanumpa sa atubang sang bandera sini. AB



Ginalapit sang LAB ang inaway banwa sa mga siyentista kag inhinyero

Ginsaulog sang Liga ng Agham para sa Bayan (LAB) ang ika-49 nga anibersaryo sini sadtong Disyembre 2024. Sa isa ka sikreto nga pagtililipon sa National Capital Region, naglab-ot sa 50 ka katapo sini ang nag-ululupod para dungan nga saulogon ang ila anibersaryo kag ang ika-56 nga anibersaryo sang Partido Komunista ng Pilipinas.

Ginbalikan nila kag ginsaulog ang nagkalain-lain nga kadalag-an nga naangkon sang mga sanga sini kag naagum nga pagsulay sa tuig 2024, ilabi na sa panahon sang una nga tuig sang kahublagan panadlong. Ginpasidunggan man sang LAB ang tanan nga mga rebolusyonaryo nga martir halin sa sektor sang siyensya kag teknolohiya nga naghalad sang ila nga kabuhi para sa pungsod kag sa rebolusyon.

"Nanginbabaw ang mga kadalagan sa mga kampanya, sa liwat nga pagtubo sang pag-organisa sa kubay sang sandigan nga masa, kag sa pagpa-uswag sang suporta para sa Bagong Hukbong Bayan (BHB)," suno sa report sang Agham Bayan, pamantalaan sang LAB. Sa pihak sini, ginpahayag nila nga dako pa ang kinahanglan nga panginbabawan nga mga kahuyangan kabahin ang konserbatismo sa pagrekrut sang bag-o nga mga katapo.

Suno sa editoryal sang Agham Bayan, "dapat maathag sa aton, isip mga rebolusyonaryo, nga ang nagapanguna nga katuyuan naton sa paglunsar sang kampanya amo ang pagsabat sa interes sang masa kag pagpadamo kag pagpabaskog sang aton rebolusyonaryo nga pwersa." Subong nga 2025, ginhambal sang LAB nga padayon sini nga itib-ong ang mga katungdanan para makabulig sa pagpasulong kag pagpabaskog sang rebolusyong Pilipino.

Dugang pa sang LAB, ginpakita sini sa ila nga posible nga tungdan sang isa ka siyentista ang rebolusyonaryong katungdanan nga isulong ang pungsodnon-demokratikong rebolusyon nga may sosyalistang perspektiba, sa mga laboratoryo kag hulot-buluthuan sang kasyudaran tubtob sa armadong paghimakas sa kabukiran.

"Igapadayon sang mga rebolusyonaryo nga siyentista, inhinyero,

propesyunal, kag estudyante ang kahublagan panadlong para malab-ot ang lubos nga kadalagan," tugda sini. Mangandam man ang LAB para sa bula-wanon nga anibersaryo sini sa Disyembre.

Bayolohista sa hukbo sang banwa

Isa si Ka Jerry sa mga rebolusyonaryong siyentista nga nagsabat sa panawagan nga maki-pangabuhin sa BHB. Naglubog siya sa isa ka yunit sang hukbo sang banwa sa Luzon.

"Para sa akon isip isa ka bayolohista, isa ka dako nga oportunidad ang mangin Pulang hangaway para padalumon ang aton kinaalam sa nanari-sari nga kabuhi ukon biodiversity sang aton nga pungsod," panaysayon niya.

Halin sa mga lugar nga ginadayunan, tubtob sa ginakaon, adlaw-adlaw mapakigbagayan sang Pulang hangaway ang kinaiyahan. Masami yara sa kalasangan kag kabukiran ang mga yunit sang BHB. Panalagsa naman yara sa mga patag nga erya. Bisan pa nagkalain-lain ang kahimtangan sang lasang, bukid, kag kapatagan, sa tanan nga higayon kasubong mga "field researcher" ang mga Pulang hangaway sa ila paglubog sa kinaiyahan.

Suno sa iya, "sa adlaw-adlaw nga hilikuton namon sa yunit, nagakakita namon ang salakot nga *species*-tanom, uhong, insekto, pispis, kag iban pa." Masami man kuno nga makakita ang yunit sang mga endemiko ukon tumandok nga tanom ukon sapat pareho sang *jade vine*, *corpse flower*, *hornbill* ukon kalaw, kag madamo pa nga iban. "Madamo nga bes man nga nagpadulong ang yunit sa mga lugar nga posible nga wala pa pisikal nga nakadtuan sang mga siyentista, bisan sin-o man—wala ta nakahibalo, basi makatukib kita sang mga bag-o nga *species* sa



mga lugar nga ini."

Makabulig man kuno kung mada-mo sang ihibalo sa nanari-sari nga kabuhi para sa kakinahanglanon sa pagkaon sang hukbo sang banwa kag sang masa. "nagkalain-lain nga *species* ang mapuslan namon sa hilikuton produksyon. Ilabi na sa mga ipit-ipit nga sitwasyon sa mga lugar nga layo sa komunidad, masaligan nga makuhaan sang pagkaon ang ini nga mga nagakabuhi sa kalasangan," saysay niya. Nagapatuman man ang yunit sang BHB sang mga patakaran para likawan ang pagpangdakop sa mga ginakabig nga *endangered species* ukon sahi sang sapat nga nagakahangawa na nga madula.

"Madamo sang posible nga matun-an kag matukiban bahin sa sari-sari nga kabuhi sa aton nga pungsod, sa konteksto sang pagpakigbahin naton sa rebolusyonaryong paghimakas para sa pumuluyong Pilipino," suno sa iya. Dugang pa ni Ka Jerry nga pahinumdom man ang manggad nga ini para sa iya kung ngaa kinahanglan makigbahin sa inaway banwa—para protektahan ang kinaiyahan kag pumuluyo sa pagpangawat sang mga imperyalista kag lokal nga nagahari nga sahi.

Kahublagan panadlong kag pagbanggi sa sayop nga linya

Sa Pebrero 8, pagasaulogon sang pumuluyong Pilipino ang ika-86 nga kaadlawan ni Kaupod Jose Maria Sison, tigpangulo nga tigtukod sang Komite Sentral sang Partido Komunista ng Pilipinas (PKP). Duha ka tuig na ang nagligad halin sang nagtaliwan si Ka Joma, apang nagpabilin sa gihapon siya nga inspirasyon sa mga pamatan-on kag bilog nga katawhan. Ang ginbilin niya nga manggaran nga baul sang mga pagtulun-an kag palanubli-on ang kabahin subong sa nagserbe nga pundasyon kag giya sa ginasulong nga kahublagan panadlong sang Partido kag bug-os nga rebolusyonaryong kahublagan.

Kabahin sa mga leksyon nga ini ang kakinahanglanon nga maukod nga makigbanggi sa mga kontra-rebolusyonaryo nga ideya, nga nagapanguna nga makit-an sa Una at Ikalawang Dakilang Kilusang Pagwawasto (IDKP). Ini ang ginhatagan tum-ok ni Ka Luis Jalandoni, isa sa pamunuan nga upisyal sang National Democratic Front of the Philippines kag malawig nga panahon nga kaupod ni Ka Joma. Gintumod ni Ka Luis ang partikular kag krusyal nga papel ni Ka Joma sa pagsulong sang IDKP sa pag-andam sang balayon sang dokumento nga "Muling Pagtibayin ang Ating mga Saligang Prinsipyo at Iwasto ang mga Pagkakamali."

"Sa panahon nga ini, madamo sang nagkalain-lain nga ideya ang nanalupsop sa aton nga rebolusyonaryong kahublagan. Ang mga pagsayop nga natumod sa dokumento sang panadlong ang naka-impluwensya sa paminsaron kag ideolohiya sang mga kaupod," suno kay Ka Luis. Dugang pa niya, mangin ang mga kaupod sa Netherlands, kung sa diin sila nakadistyero, ang wala nakaluwas sa impluwensya sang sayop nga mga ideya nga ini.

Saysay niya, may yara sang mga yabi nga lider kag nagapanguna sadto sa organisasyon sa Europa ang "nagadala sang linya sa ideolohiya nga kabaliskaran sa linya sang dokumento sang panadlong." Paathag pa ni Ka Luis, tuman ka budlay nga hugna para sa ila ang panahon sang pagpaninguha nga ipaathag ang dokumento nga "Muling

Pagtibayin," kag buyukon ang mga kaupod sa Netherlands nga hangpon ang kabilidhon sini.

Ginbahin man niya ang kaso sang isa ka anay kaupod nga nagsaway sa kahublagan panadlong sandig sa opiniyon sang iya mga abyan, sa baylo nga tun-an kag bukaron ang dokumento nga ginpagwa sang Partido. Dugang pa ni Ka Luis, sa amo man nga hugna nagtuhaw sa Netherlands ang bansag nga "kontras" sa mga "rejectionist" ukon nagsikway sa kahublagan panadlong.

"Kung wala nahitabo ang IDKP, wala ko nahibaluan kung ano ang posible nga nahitabo sa aton nga rebolusyonaryong kahublagan," suno kay Ka Luis. Gintumod kag gintadlong sang Partido sadtong IDKP ang mayor nga mga pagsayop nga nagluntad sa ka-


hublagan sa sulod sang malawig nga tinuig. Kabahin sa mga pagsayop nga ini ang linya sang "estrategiko nga kontra-opensiba" nga kabaliskaran sa tatlo ka halintang sang inaway banwa. Sadtong dekada 1980 sa Mindanao, adelantado nga nagtukod sang dalagko nga pormasyon militar nga kabangdanan sang pagbuya sa hilikuton masa kag nagbunga sang dako nga kahalitan.

"Sa baylo nga tukibon kung ngaa nahitabo ang kasubong sadto, ang konklusyon sang mga kontras nga tungod may yara sang mga espiya sa kahublagan (ukon mga Deep Penetrating Agent). Nagpadulong ini sa pinakamaipait nga panahon sa aton nga rebolusyonaryong maragtas," panaysayon ni Ka Luis.

Pareho sang kahublagan panadlong sa ginalunsar subong sang Komite Sentral, ang IDKP sa kaidadalman ang isa ka kahublagan pagtuon. Ang kakulangan sa hilikuton pang-ideolohiya sa malawig nga tinuig ang nagbunga sa seryoso nga mga pagsayop.

"Sa ulihi, gamay nga porsyento lang sang rebolusyonaryong kahublagan ang nagsaway sa kahublagan panadlong. Ang nabilin ang nagpaidalom sa panadlong sa ideolohiya, pulitika kag organisasyon. Nagbaskog ang BHB. Nagbukas ang madamo nga larangan gerilya sang hukbo. Liwat naton nabawi ang salig sa aton sang masa," suno kay Ka Luis.

Tugda ni Ka Luis, tuman ka manggaran sang baul sang pagtulun-an nga ginbilin sa aton ni Ka Joma. Sugod sa pagkatukod sini, pagtumod sa mga sayop, kag pagsulong matapos ang mga kahublagan panadlong. "Sa iya ulihi nga mensahe sa aton, ginhambal niya: Indi maperdi ang Pungsodnon Demokratiko nga Rebolusyon sang pumuluyong Pilipino!" AB





Protesta sa UP. Kada semana ang protesta sang mga estudyante kag manunudlo sang Unibersidad ng Pilipinas (UP) sa nagkalain-lain nga kampus sini isip pagsugata sa ikaduha nga semester sadtong Enero. Ginpatigbabaw sa mga protesta ang buhin sa badyet, pamahog sa seguridad kag kahilwayan pang-akademiko, upod man ang panawagan nga "Duterte Pasabton, Marcos Sukton!"

Pinakadako ang rali sa UP Los Baños kung sa diin masobra 800 ang nagkigbahin sa "First Day Rage" sadtong Enero 27. Naglunsar man sang rali sa UP Tacloban sadtong Enero 13; UP Manila kag UP Visayas, sadtong Enero 20; UP Baguio, UP Diliman, UP DEPPPO sa Pampanga, kag UP Cebu sadtong Enero 21; kag UP Mindanao sadtong Enero 28.

Pagdumdom sa Mendiola Masaker. Gindumdom sang Kilusang Magbubukid ng Pilipinas (KMP) kag mga demokratiko nga sektor ang ika-38 nga anibersaryo sang maduguon nga Mendiola Masaker sadtong Enero 22. Ginlunsar nila ang isa ka porum sa Bantayog ng mga Bayani para dumdu-mon ang 13 ka indibidwal nga napatay pagkatapos sugataon sang kapintas sang mga tinawo sang sadto nga Presidente Corazon Aquino ang linibo ka nagprotesta nga mangunguma. Ginsundan ini sang martsa padulong Mendiola sa Manila kung sa diin nahitabo ang makasiligni nga krimen.

Protesta kontra mahal nga multa sa Cebu. Naglunsar sang protesta sadtong Enero 25 ang mga drayber sang dyip sa idalom sang Piston Cebu sa atubang sang LTO Region 7 para sawayon ang pagtarget sa ila para patungan sang sobra-sobra nga multa. Nagreklamo ang mga drayber sa Joint Administrative Order 2014-01 sang ahensya nga nagatalana sang tubtob P27,000 multa para sa gagmay kag himu-himo nga paglapas sa mga laye pangtrapiko.

Suporta kag kumpensasyon, ginduso sang mga Batangueño. Nagpiket sa Department of Social Welfare and Development, Department of Agriculture kag Sugar Regulatory Administration-Main Office sa Metro Manila ang mga nagaprodukto sang tubo kag mangunguma sang Batangas sadtong Enero 22. Sa pagpanguna sang Sugar-Batangas kag Alyansa ng Mga Magsasaka para sa Kumpensasyon, ginsukot nila ang rehimen Marcos sang suportang pampinansya kag kumpensasyon sa mga apektado sang grabe nga kalamidad kag pagsira sang CADPI sa prubinsya.

Mga estudyante sang UE kag BCP, nagprotesta. Naghulag ang mga estudyante sang University of the East (UE) kag Bestlink College of the Philippines (BCP) sadtong Enero para sawayon ang plano nga pagsaka sang matrikula kag pagpatuman sang paantus nga mga patakaran sa ila eskwelahan. Sa UE, nagpiket sa kampus sa Caloocan kag Manila sadtong Enero 27-28 kadungan sa ginlunsar nga "konsultasyon" sang UE angot sa ginaduso sang unibersidad nga 5% *tuition and other fees increase* (TOFI). Bag-o sini, ululupod sila nga nagsindi sang kandila kadungan sang paglunsar sang isa ka malip-ot nga programa sa UE-Caloocan sadtong Enero 24.

Sa BCP, liwat nga naglunsar sang protesta ang mga estudyante sa Quezon City sadtong Enero 30 para sawayon ang dako nga kapalpakang sang administrasyon sa ginlunsar nga kahiwatan sang anibersaryo sang eskwelahan sadtong Enero 26 sa Bataan. Ginbansagan sang Anakbayan-BCP kag mga estudyante sini nga #BCPTortureDay ang nasambit nga adlaw sang kahiwatan tungod sa tuman kadamo nga aberya kag mahal nga gasto.

Pagtililipon para sa anibersaryo sang PKP, ginlunsar sa Rizal

SA LABAW NGA pagtimbang sang masa, natigayon sang Bagong Hukbong Bayan (BHB)-Rizal (Narciso Antazo Aramil Command) ang kahiwatan sang ika-56 anibersaryo sang Partido Komunista ng Pilipinas sa prubinsya. Nagtambong sa pagtililipon ang mga katapo sang Partido kag mga rebolusyonaryong pwersa halin sa sektor sang mga mangunguma, kababainhan, kabataan-estudyante, mamumugon kag imol nga tagasyudad. Nati-gayon ini sa tunga sang grabe nga operasyon militar sa larangan gerilya.

Sa pagtililipon, ginlunsar ang pormal nga pagtuon sa pahayag sang komite Sentral para sa anibersaryo kung sa diin masobra 50 katawo halin sa kabukiran kag kasyudaran ang nagtambong. Sa diwa sang kahublagan panadlong, kritikal kag mapa-inubuson nga gintumod sa pagtuon ang mga nagaluntad pa sa gihapon nga kahuyangan nga dapat panginbabawan lunsay sa kahublagan masa kag armado nga paghimakas.

Naglunsar naman sang mga pangkultura nga pasundayag ang Pulang Bandila sang BHB-Rizal kag ang mga nagtambong nga rebolusyonaryong pwersa. Ginpatigbabaw man sa kahiwatan ang pagtuga sang mga arte biswal sang mga hangaway kag mga rebolusyonaryong pwersa halin sa kasyudaran angot sa tema sang pahayag sang Partido kag pagsulong sang kahublagan panadlong. Madamo sa mga nagtambong ang una nga bes lamang nakasulod sa yunit sang BHB.

Pagkatapos sang tanan, naglunsar ang yunit sang "kapehan" sa tema nga "ang papel sang pamatan-on sa kahublagan panadlong." Sa baylohanay sang pahayag kag kanta halin sa mga Pulang hangaway kag rebolusyonaryong pwersa, ginbahin ang kahulugan sang kahublagan panadlong kag kung paano ini isakabuhi sang tagasa.

Suno sa mga bisita, nanging pamatuod ang aktibidad nga wala pulos ang ginahambal sang reaksyunaryo nga estado nga nagahuyang na ang rebolusyonaryong kahublagan. Sa katapusan sang programa, madamo ang nagpahayag sang kagustohan nga magpabilin agud maki-pangabuhi sa hukbo sang banwa.

62.7%

ukon 31.06 milyon Pilipino nga may empleyo ang nagatungod sang simple nga trabaho kag nagabaton sang pinakamanubo nga ordinaryo nga suhol (P378-P583/adlaw) sadton Nobyembre 2024.

Ginkuhaan: EILER

9 ka pungsod ang nag-ugyon sa koalisyon nga **The Hague Group** para pasabton ang estado sang Israel sa mga krimen sini sa inaway kag krimen batuk sa katawhan. Ginabug-os ini sang **South Africa, Belize, Cuba, Namibia, Bolivia, Honduras, Senegal, Colombia** kag **Malaysia**.



18

ang ginhilway sang Hamas kabaylo sang masobra 500 Palestino nga bilanggong pulitikal. Kabahin ang baylohanay sang mga bilanggo sa kasugtanan sa untat-lupok nga nagsugod sadtong Enero 19



24,916

ukon masobra katunga sang mga pampubliko nga eskwelahan ang wala sang prinsipal tungod sa mahinay nga promosyon sang DepEd sa kwalipikado nga mga manunudlo.

\$2 trilyon

ginhabok sang manggad sang mga bilyonaryo sa bilog nga kalibutan sadtong 2024, 3 ka bes nga mas madasig kumpara sa 2023. Ang manggad nga ini ang wala naghalin sa produksyon kundi halin sa palanublion, kroniyismo kag monopolyo nga gahum.



Ika-8

ang Davao City sa 500 syudad sa bilog nga kalibutan nga may pinakamalala nga trapik, samtang ika-14 ang Manila. Pinakamalala naman sa Istanbul (Turkey), New York (US) kag Chicago (US).

Ginkuhaan: Tomtom Traffic Index

50
OBISPO

ang nagpahayag sang pagpamatok sa desisyon sang Korte Suprema nga nagatugot sa dalagko nga kumpanya nga mangisda sa *municipal waters*. **533 sa 884 mga banwa ang apektado sang desisyon.**

43%

ginbuhin sa badyet sang Mindanao State University kag mga kampus sini sa BARMM para sa 2025.



Paggamit sa Ai kontra mamumugon Pilipino

Sa atubang sang komun nga panawagan, gintukod sadtong Enero 25 sang mga mamumugon sa BPO (business process outsourcing), telekomunikasyon, drayber nga tig-deliber kag iban pa nga trabaho nga ginapadalagan sang mga digital platform (ukon mga sistemang online) ang Coalition of Digital Employees-Artificial Intelligence ukon CODE-AI. Gintukod ang nasambit nga koalisyon para magtiglawas sa mga mamumugon kag empleyado sa atubang sang nagasangkad nga paggamit sang mga dumuluong nga kumpanya sang teknolohiya nga AI. Gintukod ang CODE-AI sang BIEN, Riders Watch, Gabay sa Unyon sa telekomunikasyon Supervisors-PLDT (GUTS-PLDT), Digital Justice, Computer Professionals Union, May Day Multi-media, Ecumenical Institute for Labor Education and Research.

Suno sa isa ka pagtuon, 36% ukon 8.5 milyon trabaho sa Pilipinas ang apektado sang paggamit sang AI. Tatlo ka milyon diri ang mga trabaho nga klerikal, masobra 2.5 milyon sa pagbaligya sang serbisyo, 500,000 trabaho nga teknisyon kag katimbang nga mga propesyon, kag 700,000 mga trabaho nga propesyunal. Halos duha sa tagasa ka 10 ka trabaho sa mga patag nga ini ang natalana nga madula tungod sa AI.

Sa industriya pa lang sang BPO, 300,000 trabaho ang ginalauman nga madula sa masunod nga lima ka tuig tungod sa AI. Sa subong, madamo na kumpanya sa industriya ang nagagamit sang AI para sa rutina nga hilikuton klerikal kag pagsabat sa mga pamangkot sang mga kliyente. Dugang nga presyur sa mga empleyado nga padasi-gon ang pagtrabaho gamit ang AI bisan wala nagaka-igo nga dugang-suhol kag benepisyo.

Ano ang AI? Ang AI ang nagatu-

mod sa teknolohiya sa kompyuter nga nagahatag diri sang ikasarang nga sundon ang kinaalam sang isa ka tawo pareho sang paghangop sang lenggwahe, pagkilala sang mga padron, paglubad sang mga problema kag paghimo sang mga desisyon. Isa sa mga sahi sini ang ginatawag nga "generative" AI nga may ikasarang magtuga sang teksto, imahen, musika kag bidyo halin sa malapad nga impormasyon sang publiko nga nakabutang sa internet.

Ginapabugal sang mga kumpanyang digital, upod ang reaksyunaryong estado sang Pilipinas, nga magatuga sang bag-o nga mga trabaho ang AI sa pungsod. Amo pa man, suno sa CODE-AI, indi mabawi sang ginabulubanta 100,000 matuga nga bag-o nga trabaho sang AI ang kadamuon sang trabaho nga madula tungod diri. Dugang diri, ginakabig ang Pilipinas isip "digital sweatshop." Buot hambalon, ang klase sang trabaho nga may kaangtanan sa AI nga ginapasa sa mga Pilipino ang

nakati-on sa pasulit-sulit nga mga hili-kuton, pareho sang *data annotation* kag *content moderation* nga pareho nga mga trabaho "panghanas" sa nagkalain-lain nga klase sang AI. Manubo ang pasuhol sa mga trabaho nga ini (\$1-\$3/oras), layo kung ikumpara sa mga mamumugon nga nagahimo sang pareho nga trabaho sa iban nga pungsod (\$15/oras, kung sa US). Wala seguridad sa trabaho ang mga mamumugon diri kag wala sila proteksyon halin sa abuso.

Subong pa lang, pila ka linibo nga mamumugon kag propesyunal na sa Pilipinas ang nagatrabaho sa mga dumuluong nga kumpanya isip mga "freelancer" sang mga kumpanya nga digital. Nagakumpetisyon sila sa isa kag isa para sa pipila ka trabaho nga ginatanyag sang mga ini, kabahin sa mga *social media platform* pareho sang Meta (tag-iya sang Facebook kag Instagram) kag mga ahensya sang dumuluong nga estado pareho sang US. Madamo sa ila ang mga bag-o gradweyt nga wala masudlan nga trabaho sa patag sang ila gin-eskwelahan.

Kontrolado ang teknolohiya nga AI sang pipila nga monopolyo nga kumpanya nga nakabase sa US. Isa sa pinakamadako ang OpenAI nga nagahimo sang GPT. May tagasa-tagasa man kaugalingon nga teknolohiya nga AI ang mga *social media platform* pareho sang Llama sang Meta (tag-iya sang Facebook kag Instagram), Gemini sang Google kag Grok sang Twitter. Sining Pebrero, nagtampad ang kaugalingon nga modelo nga AI sang isa ka kumpanyang Chinese nga Deepseek.

Matuod nga ginapauswag sang teknolohiya nga AI ang proseso sang pamugon, ilabi na sa mga trabaho nga pasulit-sulit, simple kag makatalaka. Amo pa man, tungod ginapanag-iyahan kag kontrolado ini sang mga monopolyo kapitalista, indi manigar nga pagagamiton ini batuk sa mga mamumugon, ilabi na sa mga atrasado nga pungsod pareho sang Pilipinas, nga wala sang may gina-agum nga mga kinamatarung.

AB

Pagpang-ipit sa sektor sang BPO, ginkundenar

GINKUNDENAR SANG CODE-AI ang indi makatarunganon nga pagsisante kay Renso Bajala, tigpamaba sang BIEN, matapos maghatag siya sang sugilanon sa isa ka tigpamahayag kaangot sa kahimtangan sang mga mamumugon sa mga kumpanyang BPO nga nagagamit sang AI. Ginsisante si Bajala sa basehan sang "patakaran sa social media" sang kumpanya nga Concentrix kag American Express. Lapas ang terminasyon sa kahilwayan sa pagpamahayag ni Bajala kag kapareho niya nga mamumugon.

"May kinamatarung kami sa hilway nga pagpalayag kag asosasyon, kag krusyal ang amon pag-intra sa mga diskusyon kag paghimo sang mga patakaran sa paggamit sang teknolohiya nga AI para mapangapinan (namon) ang kinamatarung sang mga mamumugon," suno kay Bajala.

Grabe nga paglapak sa kinamatarung, nalista sa Masbate, Cagayan, Davao kag iban pa

Wala-untat ang mga paglapas sa tawhanon nga kinamatarung sang mga pwersa sang Armed Forces of the Philippines (AFP) kag Philippine National Police (PNP) batuk sa pumuluyong Pilipino sa nagligad nga mga semana.

Pagpangluthang. Sadtong Enero 19, naigo kag napilasan sa likod ang 61-anyos nga anay barangay kagawad kag mangunguma nga si Marcial Detalo sa patarasak nga pagpangluthang sang mga suldado sang 2nd IB sa Sityo Balunos, Barangay Rizal, Dimasalang, Masbate. Para hinabunan ang krimen kag pagsapeligro sa mga sibilyan, malisyoso nga ginpahayag sa midya sang 2nd IB nga na-igo sang bala sang Bagong Hukbong Bayan (BHB)-Masbate si Detalo sa tunga sang ginapagwa nga isa ka engkwentro sa lugar.

Pag-aresto. Sadtong Enero 27, gin-aresto sang mga pwersa sang estado ang 70-anyos nga si Myrna Cruz-Abraham, beterano nga aktibista, sa San Rafael, Bulacan. Gindakop ang biktima sa dulot sang mandamyento de aresto nga ginpagwa sang isa ka korte sa Cagayan kaangot sang mga kaso nga paslaw nga pagpatay kag pagpatay. Ginreport sang mga grupo sa tawhanon nga kinamatarung nga nahilway si Cruz-Abraham pagkatapos ang walo ka adlaw.

"Terrorism financing." Ginpasakaan sang mga hinimo nga kaso sang "pagpondo sa terorismo" ang lima ka aktibista halin sa Cagayan Valley. Ginkasohan sila ni Isabelo Adviento, lider mangunguma; Cita Managuelod nga *peasant advocate*; Agnes Mesina, koordineytor sang Makabayan Cagayan Valley; Jackie Valencia, tigpangapin sang tawhanon nga kinamatarung; kag si Deo Montesclaros, isa ka tigpamahayag. Tanan sila ang madugay na nga nagatib-ong sa kinamatarung kag kaayuhan sang pumuluyo sang Cagayan Valley kag sang pumuluyong Pilipino.

Demolisyon. Sa tunga sang pagpahuway sang mga residente, tuso nga naglusob sadtong Enero 29, alas-2 sang kaagahon, ang 200 ka maton kag tinawo sang manogpangagaw sang duta nga si Caroline Piñeda sa Dalat/Purok 47, San Roque, Bangkal, Davao City para ilunsar ang demolisyon. Ginguba kag ginransak sang mga maton ang 20 ka balay sa nasambit nga komunidad. Ang insidente ang kabahin sang serye sang demolisyon sugod pa Disyembre 2024.

Sa Laguna, ginsaway sang mga residente ang pag-abot sadtong Enero 31 sang 8-10 katawo nga demolisyon tim sa Barangay Nueva, San Pedro, Laguna para ipatuman ang pamahog nga demolisyon sa baybay riles. Sadtong Enero 7, naghatag sang paandam ang Department of Transportation sa mga lokal nga sila ang palayason sa amo nga adlaw sa pihak sang kawad-on sang "court order" para sa demolisyon.

Pwersahan nga pagpasungka. Nalista ang panibag-o nga serye sang militarisasyon kag pwersahan nga "pagparehistro" sang Philippine Army sa mga mangingisda nga katapo sang Timek La Union sa Barangay San Miguel Norte, Agoo, La Union sadtong Enero 20. Nabalita ang paglibot sang nakasibilyan nga pito nga tinawo sang Philippine Army sa nasambit nga barangay sa pagpanguna sang isa ka "Captain Fernandez." Dala-dala sang mga suldado ang isa ka listahan nga naga-unod sang 30 ka pangalan sang mga subong kag anay katapo sang TIMEK La Union kag ginapangita sila para "irehistro" ang ila hugpong.

Sa Masbate, nagtampok sang mga suldado ang AFP sa magkalapit nga mga barangay sang Baang, Sawmill, Barag kag Mapuyo sa banwa sang Mobo, Masbate sadtong Enero 27 para lagson kag "pasungkaon" ang sibilyan nga ginhingnanan nga Sony Diamos. AB

Mga protesta para pasabton ang mga Duterte kag sukton si Marcos, ginlunsar

NAGTIPON ANG NAGKALAIN-lain nga demokratikong grupo sa Liwasang Bonifacio, Maynila sadtong Enero 31 para tigayunon ang protesta batuk sa "3K" ukon ang Kilos Bayan laban sa kahirapan, korapsyon at kawalang pananagutan. Nagtambong sa hublag ang mga estudyante, manunudlo, mamumugon, propesyunal, mga tawong-simbahan, administrador sang unibersidad, kag progresibong partido. ginpangunahan ini sang Taumabayan Ayaw sa Magnanakaw at Abusado Network Alliance (TAMA NA).

Kasubong nga mga hublag ang ginlunsar sa Naga City, Cebu City, Iloilo City, kag Bacolod City sa pagpanguna sang TAMA NA kag mga sanga sang Bagong Alyansang Makabayan. Sa amo man nga adlaw, duha pa ka protesta ang ginlunsar sang iban nga grupo, lunsay sa atubang sang People Power Monument sa EDSA.

Bag-o sini, ginlunsar ang pagsindi sang kandila kag malip-ot nga protesta sadtong Enero 30. Sadtong Enero 27, nagprotesta ang mga konseho sang estudyante, pamantalaan pang-kampus kag grupo sang pamatan-on sa Liwasang Bonifacio sa pagpanguna sang Leaders and Advocates of the Youth for the Accountability of Sara Duterte (LAYAS Duterte) Network nga gintukod sadtong Enero 23.

Sadtong Enero 26, nagmartsa ang mga manunudlo sa idalom sang Alliance of Concerned Teachers sa Baguio City para sa sweldo, badyet sa edukasyon kag salabton sa kapigaduhon, korapsyon kag *impunity* sang gubyerno. Ginaduso nila ang impeachment kay Duterte nga suno sa ila palpak sa pag-alagad nga anay tiglikom sang Department of Education.

Sadtong Enero 24, ginpangunahan sang Kilusang Mayo Uno ang protesta nga "UWIAN Na" para sa suhol kag batuk sa kawat sa Quezon City. Ang panawagan nga UWIAN Na ang naghalin sa "Unite for Wage Increase at Against Nakaw sa Gobyerno."